

BIDANG KERJASAMA 1:

MEMPERKASA KEHIDUPAN BERAGAMA

Beragama merupakan suatu fitrah bagi manusia sebagai panduan hidup yang perlu dipatuhi bersesuaian dengan naluri semulajadi manusia yang mengakui wujudnya Allah SWT. Kehidupan beragama mendorong manusia untuk berfikir mengenai hakikat ketuhanan, dan seterusnya membataskan setiap tingkah laku bersesuaian dengan situasi dan keadaan, menjadikan kita sentiasa berada dalam aturan kehidupan dengan penuh ketenangan.

Rakyat yang dinamik dan progresif amat diperlukan untuk menyumbang secara positif kepada kecemerlangan dan pengukuhan ekonomi masa depan negara. Sehubungan dengan itu, program-program yang dilaksanakan dengan strategi Penguatan Syiar Islam dan Pengurusan Da'wah diharap mampu memperkasa kehidupan beragama, seterusnya membentuk perisai kepada masyarakat bagi menghalang mereka daripada terjebak dengan gejala sosial yang tidak sihat serta merosakkan akhlak dan minda.

STRATEGI DAN FORMULASI:

- Strategi 1: Penguatan Syiar Islam.
Program:
 - Membudayakan al-Quran.

- Strategi 2: Pengurusan Da'wah.
Program:
 - Memantapkan Pegangan Ahli Sunnah Wal-Jamaah.

NEGARA PENYELARAS: NEGARA BRUNEI DARUSSALAM